

animal de summis venit. Ita Christus manens in altitudine Divinitatis suae, quasi quodam volatu sublimi cadaver mortalitatis nostrae confpexit in infimis, & se de Coelestibus ad ima submisit, fieri quippe propter nos homo dignatus est, & dum mortuum animal petiit, mortem apud nos, qui apud se erat immortalis, invenit.

IX. CRUX CHRISTI, CVM S. HELENA EIFS INVENTRICE, 60. Stellis Constellationis suae figuram componens, eo loco statuitur, quo Gentiles Cygnum suum locaverunt. Et si Poeta Diaboli instinctu (propterea in Oratione ad Antonium Piam, & in Dialogo de Veritate Christiana scriptum reliquit Iustinus Martyr) res Christi, hallucinantium more, in multis emulari studuerunt, Crucis tamen supplicium nullo prorsus modo in quopiam eorum, qui totis filii sunt dicti, sunt imitati: Non enim intellectum est ab eis, quod de hoc dicta sunt, omnia per symbola arcanè esse prolata, & quod profecto (supplicium nimirum Crucis) prout Prophecia prelocutus est, potissima nota fortitudinis, & imperii eius est.

XV. CLAVI ET LANCEA CHRISTI ex 13. Stellis formato Asterismo Telum sive Sagittam, Gentilium commentum locum sibi cedere iubent. Telo ajunt Poeta carnificem Promethei aquilam ab Hercule confixam. Nobis alia sunt ad manus arma, quibus Satan occubuit: Clavi nimirum, ferrumque Lancea Christi: haec digna stellis, aptaque hoc ipso Caeli loco, Signo nempe Crucis quasi conigno celebrari. Sagitta in Divinis Literis pro doloribus ponitur, qui ex rerum perperam actuum Conficiantia corstulant, & exulcerant: ita Psalm. 38. Sagitta tua infixae sunt mihi. Plurisque quoque in locis Sagitta verba divina sunt, quae penetrabili caritate corda nostra configunt. Non immerito in Sagitta locum Crucis nostrae infertur Clavi, quibus Redemptor noster Cruci fuit affixus.

XVI. S. CATHARINA VIRGO & MARTYR 40. Stellarum Constellatione in locum venit Aquile, sive Fulguris volantis, & Antioxi, sive Ganymedis. S. Iohannes ille Evangelii Scriptor alioquin, quod Aquile referatur Hieroglyphico: ipsa suscepta lucubrationis materia sublimis, ait Eucherius, & ab ipso verum principio repetita in causa fuit. Proinde cum volatu sublimi, in ipsam Dei Omnipotentis aulam clausus sit, & oculorum aciem, visum propellens, in admiranda Divinitatis faciem infixerit, doctrinam nullo antea mortali ingenio conceptam ab alto detulit, cuius initium: In Principio erat Verbum. Pierius lib. 19. fol. 142.

XVII. HYDRIA CHANANEA AQUE IN VINUM VERSE 10. Stellis in Constellationem redacta eo loco cernitur, quem Gentiles Delphinus assignant, & miraculose conversionis aequae, mandato Christi in vinum abeuntis, memoriam recolit: ideo hic appollita, ut Omnipotentiam & Bonitatem Divinam Redemptoris nostri testetur, matrimonii favore ab ipso editam tanto miraculo, quod iure occupat locum Delphini, fabulosorum Neptuni cum Amphitrite nuptiarum gratia Caelo innatantis.

XVIII. ROSA MYSTICA, sive FRONS ROSEA quatuor Stellis ad formandum suum Asterismum adhibet, & in ea parte Caeli sedet, in qua Equiculus, sive Equuleus ex Gentilium collocacone sedem suam nactus est, atque Symbolum Rose Mysticae Dei Genitricis Virginis existit.

XIX. S. GABRIEL ARCHANGELVS alias Pegasi 34. Stellis Asterismum suum absolvit, volanti, & nuncium Salutis Humanae expedienti similis, ex Coelestis Legatus, perennem Divinae Gratiae fontem, exintemerata Virgine, Annunciationis verbo, provocavit, sicut Pegasi (Poetarum fide) celeberrimas Heliconis aquas, ungula Musis aperuit.

ASTERISMI IN ECLIPTICA, SIVE SIGNA ZODIACI.

In CORONA APOSTOLORVM sive Signifero Christiano, huius Hemisphaerii Posterioris, ordine sequuntur sex Apostoli sive Signa: S. Mattheus: S. Simon: S. Iudas Thaddaeus: S. Mattheus, S. Petrus, & S. Andreas.

XXX. S. MATTHEVS EVANGELISTA, & APOSTOLVS 34. Stellarum congerie sui Asterismi figuram constituit, & Drexeliani Signiferi Signum, Frequentem nimirum Sacramenti Communionis usum exemplo suo confirmat, velut qui & proprio calamo (secundum illud, quod dicitur a Salomone, Iustus est aculator sui, &c.) Publicanum se nominare non erubuit, & Martyrio coronari meruit. Sagittarii Gentilium sedem

obtinens in Capricorni domicilium migravit, cuius Signum est ☿.

XXXI. S. SIMON CHANANAEVS sive ZELOTES, APOSTOLVS, suae Constellationis Stellis 28. numerat, & suo exemplo fidem facit Drexeliano illi Effato, quod in Signifero eius Christiano Capricornum notat: Auditis sedula Verbi Divini. Capricorni qui & Pandicitur, munia subit, migratione sua ferè translatum in sedem Aquarii, cuius Character est ♊.

Capricornus Pan etiam Ethnicis dicitur, qui eundem Capripedem, & hirci figuram fingeant, de quibus hircus Rabinus Kimhi in cap. 13. Esaiæ; Rabbi Salomo; & Galatin. lib. 4. contra Indeos inquit. Hirci sunt Demones, vocantur autem sic, quia in forma hircorum apparent his, qui credunt in eos. Enseb. Pamphil. lib. 5. cap. 1. Preparat. Euangel. ex autoritate Porphyrii & Platarchi tradit, sub Tyberio Imperatore inter Infulas Echinadas auditam esse vocem à Paxide Insula ad Thorannum nautam illuc praternavigantem, & in Italiam pergentem, quae diceret: Thramne narra, Magnum Pana esse mortuum, quando iuxta paludem fueris: Quod cum ipse fecisset, magnum ibi velut lamentantium ejulationem auditam: Utpote quod, victo in Passione Domini omnino Sathanâ, Pan Magnus, Daemon precipuus, victus diceretur.

XXXII. S. IUDAS THADAEVS APOSTOLVS 44. Stellis collectis suum Asterismum perficiens exemplo suo proponit Moderationem affectuum, quam in Signifero suo Drexelius huic Dodecatemorio aptavit, imitandam, & ex Epistola sua Catholica discendam. Habitationem suam mutavit discessu suo in Pisces, quorum nota est ♓.

XXXIII. S. MATTHEVS APOSTOLVS 37. Stellarum Asterismo suo congregat, & postremus in album Apostolorum conscriptus, commodè sibi adscribit Drexeliani Signiferi emblemam, quod Vilem sui estimationem proponens, humilitate necessariâ aperit januam ad poenitentiam feriam, à Mundo & Voluptatibus mortales avocantem, & ad Deum ducentem. Domicilii sui mutatione discessit in Arietis habitationem antiquam, hanc notâ insignitum: ♈.

XXXIV. S. PETRVS PRINCEPS APOSTOLORVM Constellationis suae figuram 31. Stellis circumscribit, & in Zodiaco Christiano Drexelii Renunciationis Omnium symbolo notatur. Sic enim respondens Domino dixit Petrus: Ecce nos reliquimus omnia, & secuti sumus te, quid ergo erit nobis? Responsum ad illum: Amen dico vobis, quod vos, qui sequi estis me, in regeneratione, cum sederit Filius hominis in Sede Majestatis suae, sedebitis & vos super sedes duodecim, iudicantes duodecim tribus Israel, &c. Arietis locum possidens maximam partem in subsequenti Signi S. Andreae nimirum sive Tauri domicilium progressus est, quod hoc Signo dignoscitur.

XXXV. S. FRONIMETRA à Prima omnium Stellarum Arietis Stella Primâ huius Asterismi, quae inter omnes Stellae primum locum sibi vendicat, & quam Auricula seu Cornu Arietis Dextro, id est, Occidentali tribuunt, in hoc autem Caelo Stellato Christiano Cathedra S. Petri sortita est, reliquarum omnium metriam atque descriptionem ordiuntur. Ante Christum natum anno fermè 431. Annorum Mundi 3497. circa initium hebdomadam Danielis Prophetae in Aquinotio Autumnali, florente Metone Atheniensi Astronomo, Cycli decem novennis conditore, Prima Stella S. Petri sive Arietis, ipsum Aquinotii Verni limitem occupabat, quae anno 1625. usque ad gradum 27. min. 58. sec. 45. ejusdem Dodecatemorii S. Petri, sive Arietis protusa est, singulisque annis 51. secund. versus Orientem (cum latitudines fermè eadem mancant) progreditur. Hinc à Vernie Aquinotii Puncto exordium capit Dodecatemorii S. Petri sive Arietis usque ad 30. graduum, quod subsequitur ejusdem quantitas Dodecatemorii S. Andreae sive Tauri; S. Iacobi Majoris, sive Geminorum; S. Iohannis sive Canceri &c.

XXXVI. S. ANDREAS APOSTOLVS Constellationem suam 50. Stellarum congregatione perficit, & ex Mysticis Drexeliani Zodiaci Signis Voluntatis Propensionem in bonum sibi adiungit, utpote cum eum & discipulum Iohannis Baptiste fuisse, auditoque illo, Ecce Agnus Dei, Christum ultro secutum esse, & fratrem Simonem ad Christum adduxisse Sacra Litera doceant. Tauri à Gentilibus Zodiaci impositi habitaculum occupans in sequenti

sequenti S. Iacobi Minoris sive Geminorum sedem progressus est, cuius sunt characteres ☿.

ASTERISMI EXTRA ECLIPTICAM IN PARTE AUSTRALI.

XXXIV. S. IOACHIMVS, & S. ANNA S. VIRGINIS MARIE PARENTES 33. Stellarum collectione Asterismum suum constituunt, atque in sede eâ commemorantur, quam in Caelo Stellato Ethnico Cetus, sive Balena possidet, cuius monstri marini faucibus Andromeda absumenda afflictae regioni salutem parere debebat: cuius loco hic cernuntur beatissimi Coniuges, Iochimus & Anna, quorum viscera felicissimam illam Virginem ediderunt, per quam Universus Terrarum Orbis aeternae Salutis pretium accepit.

XXXVI. S. IOSEPHVS VIR MARIE VIRGINIS 71. Stellis in Asterismum redactis complet sedem Orionis nefandae Deum sobolis, spurci excrementi Iovis & sociorum, nullâ aliâ re, quam Venationis studio, & vitandorum Viraginum caninâ pruriginis clari. Omni honore maior S. Ioseph, Regiâ Davidis stirpe oriundus, Matris Virginis Virgo Maritus & comes, de quo S. Lucas cap. 2. Et ibant Parentes eius (scilicet Iesu) per omnes annos in Hierusalem, &c. Et videntes admirati sunt, & dixit Mater eius: Fili, quid fecisti nobis sic? Ecce pater tuus, & ego dolentes querebamus te, &c. Et descendit cum eis, & erat subditus illis. Accedit huc Generationis Liber Matth. 1. deductus in generationem beatissimi Ioseph.

XXXV. TRANSITVS ISRAEL PER MARE RUBRVM 45. Stellarum Asterismo adumbratus, & in Eridani fluvii locum repositus, eâ scilicet parte, quâ Populus Israeliticus sicco pede transit, Dominusque, & quid possit, & quae Redemptio, (Sanctis quidem Iochimo & Anna instrumentis mediis) secutura esset, incomparabili miraculo ostendit.

XXXVII. VELLVS GEDEONIS 13. Stellis notabile Sidus se conspiciendum exhibet eâ in Caeli parte, quam Gentiles Lepore, symbolo timiditatis, insigniverunt. Magnificam autem, mysticamque simul, & militarem huius Velleris historiam habes 1. Iudic. cap. 6. dignam sanè, quae Heroum nostri temporis Vellere Aurco celebraretur: Cui quidem nobilissimo Equitum Ordini, fabula Iasonis, & Argonautarum ansum, Philippus autem Bonus Burgundionum Dux, Caroli Audacis pater, Maximilianus I. Imperatoris, Archiducis Austriae Progenitor, 10. Januarii Anno MCDXXIX, quo die Brugis Flandrorum cum Isabella Portugalliae Regina nuptias celebravit, initium dedit: Finem eius Austriae statuens Defensionem Ecclesiae Catholicae, Praefectisque seu summos Ordinis Magistros, se defuncto, designans, successores Duces Burgundiae. Unde & Catholiciissimi Hispaniarum Reges, ut Maximilianus Austriae descendentes, Duces Burgundiae, gloriosissimi huius Ordinis Caput, Defensorque Ecclesiae praecipui extiterunt. Fuisse autem instituti huius finem primarium, Defensionem Ecclesiae testantur Versus Gallici, ab ipso Fundatore Ordinis Philippo huic rei accommodati, scilicet

Pour maintenir l'Eglise, que est de Dieu Maison, Pay mis sus le Noble Ordre, q'on nomme la Toison. Quorum Versum hic est sensus: Numinis ad tutandam aedem, quae Ecclesia Sancta est, Militiam Aurati Velleris institui.

Solet autem Militia haec Latine appellari, Ordo Equitum Aurei Velleris, quibusdam Totoniis, Hispanice El Orden de la Toison de Oro, Gallice l'Ordre de la Toison, Italice il Ordine del Tosone di Spagna. Germanice Der Ritter Orden der goldenen Schoppers / oder gülden Lämblens von Burgundien / Belgice Het gouden Vlies.

XXXVIII. COLUMBA NOACHI Constellatione hac 11. Stellis completente, notabiles aliquot stellae, nuda oculis, sed à Recentioribus Columba formâ insignita sunt:

I. FIDES.

IV. MODESTIA.

VII. MANSUETUDO.

X. GAUDIUM.

II. PAX.

V. BENIGNITAS.

VIII. CONTINENTIA.

XI. BONITAS.

III. C.

VI. C.

IX. C.

XII. L.

Xx